



---

Kozaračka 11 75000 Tuzla , Tel: ++ 387 35 330 322 , fax: ++387 35 273 502 , mail: dom.tz@bih.net.ba

---

Broj: 464-22/25  
Tuzla, 03.06.2025.godine

Na osnovu člana 64. stav (1) tačka b) i člana 72. stav (3) tačka c) Zakona o javnim nabavkama Bosne i Hercegovine („Službeni glasnik BiH" broj: 39/14, 59/22 i 50/24), na osnovu Obavještenja o nemogućnosti potpisivanja ugovora za Lot 1: Hrana, piće i srodni proizvodi broj: 305/25 od 26.05.2025.godine i na preporuku Komisije za javnu nabavku hrane i pića (Zapisnik Komisije o pregledu i ocjeni ponuda za nabavku hrane i pića – LOT 1 broj: 464-10/25 od 27.03.2025 godine), direktor d o n o s i,

### **O D L U K U**

#### **o izboru drugoplasiranog ponuđača LOT – 1 (hrana, piće i srodni proizvodi)**

#### **Član 1.**

U postupku javne nabavke roba Hrane i pića za potrebe Javne Ustanove Dom za djecu bez roditeljskog staranja Tuzla za LOT – 1 (hrana, piće i srodni proizvodi) ugovor o sukcesivnoj isporuci roba koja su predmet nabavke za LOT – 1 dodjeljuje se drugoplasiranom ponuđaču „BOSNA KOM“ d.o.o. Gračanica sa ukupnom cijenom bez PDV-a u iznosu od 37.350,00 KM.

Ponuđač je dostavio ponudu broj: 05-06/24-01 od 06.05.2024. godine za LOT – 1 na iznos od 40.279,05 KM bez PDV-a prije provođenja E-aukcije. Nakon provođenja postupka E-aukcije 04.04.2025.godine ponuđač je ponudio konačnu cijenu u iznosu od 37.350,00 KM bez PDV-a.

U roku od pet dana od prijema ove Odluke, Ponuđač je u obavezi dostaviti novi Obrazac za cijenu ponude LOT – 1 ANEKS III u kojem će navesti cijene za svaku stavku, nakon provedene E-aukcije, koji će biti sastavni dio ugovora.

#### **Član 2.**

Prijedlog ugovora o nabavci dostavit će se na potpis drugoplasirano ponuđaču „BOSNA KOM“ d.o.o. Gračanica, u roku od deset dana od dana donošenja ove odluke.

#### **Član 3.**

Izabrani ponuđač je dostavio dokumenta iz tačke 7. Tenderske dokumentacije (dokazi o kvalifikaciji koje je obavezan dostaviti izabrani ponuđač) odnosno dokumenti iz člana 45. stav (2) tačke od a) do d) Zakona o javnim nabavkama BiH („Službeni glasnik BiH" broj: 39/14, 59/22 i 50/24) u trenutku predaje ponude, iskoristivši na taj jednu od mogućnosti koje je predviđena Tenderskom dokumentacijom.

#### **Član 4.**

Ova odluka će se objaviti na web stranici [www.dzdtuzla.ba](http://www.dzdtuzla.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, a Odluka o izboru najpovoljnijeg ponuđača (LOT – 1) broj: 464-17/25 od 24.04.2025.godine stavlja se van snage i prestaje da važi.

### ***Obrazloženje***

Postupak javne nabavke pokrenut je Odlukom o pokretanju postupka nabavke hrane i pića broj: 464/24 od 25.02.2025. godine. Javna nabavka je provedena putem otvorenog postupka za nabavku i isporuku Hrane i pića.

Procjenjena vrijednost javne nabavke za LOT – 1 hrana, piće i srodni proizvodi , JRJN – 15000000-8, iznosi 45.299,15 KM bez PDV-a, odnosno 53.000,00 KM sa PDV-om.

Za predmetnu nabavku objavljeno je obavještenje o nabavci broj:1010-1-1-35-3-13/25 od 06.03.2025.godine na portalu javnih nabavki istovremeno sa tenderskom dokumentacijom broj: 464-2/25 u sistemu „E- nabavke“.

Komisija za nabavke imenovana je Odlukom broj:464-3/25 od 27.03.2025.godine.

Krajnji rok za prijem ponuda bio je 27.03.2025.godine do 12:00 sati na adresu ugovornog organa Kozaračka 11. 75 000 Tuzla.

Komisija je 27.03.2025.godine u 12:40 sati preuzela od sekretara komisije pristigle ponude, te konstatovala da su blagovremeno zaprimljene ponude ponuđača

| Redni broj | Naziv ponuđača                 | Sjedište ponuđača | Broj protokola | Datum prijema              |
|------------|--------------------------------|-------------------|----------------|----------------------------|
| 1.         | „BOSNA KOM“<br>DOO GRAČANICA   | GRAČANICA         | 710/25         | 21.03.2025. U 9:00<br>SATI |
| 2.         | „LALA I LAĆO“<br>DOO BIJELJINA | BIJELJINA         | 735/25         | 24.03.202. U 08:56<br>SATI |

Komisija je istog dana u 13:20 sati u prostorijama JU Dom za djecu bez roditeljskog staranja Tuzla izvršila otvaranje ponuda za LOT – 1.

U postupku po Zapisniku sa otvaranja ponuda, utvrđeno je da je Komisija za javnu nabavku u roku, blagovremeno i pravilno izvršila otvaranje ponuda, o čemu je sačinila odgovarajući Zapisnik čija kopija je dostavljena svim ponuđačima.

Komisija je 27.03.2025.godine izvršila kvalifikacije ponuđača, ispunjenja zahtjeva u pogledu opisa predmeta nabavke i tehničkih specifikacija i Zapisnikom o pregledu i ocjeni ponuda broj: 464-10/25 od 27.03.2025.godine za LOT - 1 utvrdila sledeće:

### **PODACI O PRISTIGLIM PONUDAMA**

- Da je u predmetnom postupku zaprimljeno ukupno dvije (2) ponude;
- Da su blagovremeno zaprimljene dvije (2) ponude;
- Da je neblagovremeno zaprimljeno (0) ponuda;
- Da su ponude ponuđača „BOSNA-KOM“ d.o.o. Gračanica i „LALA I LAĆO“ d.o.o. Bijeljina, prihvatljive,
- Da je zaprimljeno neprihvatljivih (0) ponuda.



Uvidom u ponude ponuđača, „BOSNA-KOM“ d.o.o. Gračanica broj protokola: 710/25 i „LALA I LAČO“ d.o.o. Bijeljina broj protokola: 735/25, utvrđeno je da su obje ponude prihvatljive, da ispunjavaju kriterije za izbor najpovoljnije ponude, te da su obje ponude dostavljene u skladu sa traženim specifikacijama u Tenderskoj dokumentaciji.

Iz gore navedenog komisija je sačinila rangiranje prihvatljivih ponuda prema kriteriju za izbor ponude.

| R.br. | Broj protokola | Naziv/ime ponuđača             |
|-------|----------------|--------------------------------|
| 1.    | 710/25         | „BOSNA – KOM“ d.o.o. Gračanica |
| 2.    | 735/25         | „LALA I LAČO“ d.o.o. Bijeljina |

Komisija je sačinila spisak kvalifikovanih ponuđača sa ponuđenom početnom cijenom, kako bi zakazala E-aukciju u skladu sa Pravilnikom o uslovima i načinu korištenja E-aukcije („Službeni glasnik BiH“, broj:80/23).

| R.br. | Ponuđena cijena bez PDV-a | Naziv/ime ponuđača             |
|-------|---------------------------|--------------------------------|
| 1.    | 40.279,05 KM              | „BOSNA – KOM“ d.o.o. Gračanica |
| 2.    | 45.123,00 KM              | „LALA I LAČO“ d.o.o. Bijeljina |

E-aukcija za LOT – 1 je zakazana za 04.04.2025.godine sa početkom u 10:00 sati, a rok trajanja aukcije je 30 minuta.

Kriterij za ocjenjivanje ponude je najniža cijena.

Sastanak komisije za javnu nabavku Hrane i piće okončan je dana 27.03.2025.godine u 13:45 sati.

Dana 04.04.2025.godine u 12:00 sati Komisija za javnu nabavku Hrane i pića je nastavila postupak ocjene za predmetnu javnu nabavku „Hrane i pića“ za LOT – 1 i kreirala konačnu rang listu nakon provedene E-aukcije.

#### Konačna rang lista nakon provedene E-aukcije

| R.br. | Naziv/ime ponuđača             | Konačna cijena ponude bez PDV-a |
|-------|--------------------------------|---------------------------------|
| 1.    | „LALA I LAČO“ d.o.o. Bijeljina | 37.349,00 KM                    |
| 2.    | „BOSNA – KOM“ d.o.o. Gračanica | 37.350,00 KM                    |

Komisija za nabavku dostavila je ugovornom organu Zapisnik o otvranju ponuda od 27.03.2025.godine, Zapisnik o pregledu i ocjeni ponuda za nabavku hrane i pića – LOT 1 broj: 464-10/25 od 27.03.2025.godine, nakon provedene E-aukcije i konstatovala da je najpovoljnija ponuda ponuđača „LALA I LAČO“ d.o.o. Bijeljina sa cijenom 37.349,00 KM bez PDV-a i predložila rukovodiocu Ugovornog organa da u skladu sa članom 70. Zakona o javnim nabavkama BiH donese odluku o izboru ponuđača „LALA I LAČO“ d.o.o. Bijeljina za nabavku i isporuku hrane i pića za LOT 1 (hrana piće i srodni proizvodi) te istom dodjeli ugovor.

Donesena je Odluka o izboru najpovoljnijeg ponuđača (LOT – 1) broj: 464-17/25 od 24.04.2025.godine i dostavljena svim ponuđačima koji su učestvovali u postupku javne nabavke.

Ugovorni organ je u svojoj Tenderskoj dokumentaciji pod tačkom 7. Dokazi o kvalifikaciji koje je obavezan dostaviti izabrani ponuđač propisao sledeće:

„Prema članu 72. stav (3) tačka a), b), c) e) i f) Zakona o javnim nabavkama, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač:

- propusti dostaviti originale ili ovjerene kopije dokumentacije iz čl. 45. Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ; ili
- propusti da dostavi dokumentaciju koja je bila uslov za potpisivanje ugovora, a koju je bio dužan da pribavi u skladu sa propisima u Bosni i Hercegovini; ili
- u pisanoj formi odbije dodjelu ugovora, ili
- propusti da potpiše ugovor o nabavci u roku koji mu je odredio ugovorni organ; ili
- odbije da zaključi ugovor pod uslovima navedenim u tenderskoj dokumentaciji i ponudi koju je dostavio.”

Ponuđaču „LALA i LAĆO“ d.o.o Bijeljina, je dostavljena Odluka o izboru najpovoljnijeg ponuđača (LOT – 1) broj: 464-17/25 od 24.04.2025.godine i Zapisnik komisije, kojom je u članu 3. traženo da se postupi u skladu sa članom 45. stav (2) tačke od a) do d) Zakona o javnim nabavkama Bosne i Hercegovine kao i da se traženo dostavi u roku od 5 dana dana prijema Odluka o izboru najpovoljnijeg ponuđača (LOT – 1).

Imenovani ponuđač je dana 30.04.2025.godine zaprimio Odluka o izboru najpovoljnijeg ponuđača (LOT – 1) u kojoj je u članu 3. traženo da dostavi dokumente iz tačke 7. Tenderske dokumentacije u navednom roku. Ponuđač je 26.05.2025.godine dostavio pismeni dokaz akt broj: 305/25 kojim obavještava Ugovorni organ da nije u mogućnosti potpisati Ugovor za LOT-1 Hrana, piće i srodni proizvodi za koji su izabrani kao najpovoljniji ponuđač.

Obzirom na naprijed navedeno, donesena je Odluka kao u dispozitivu, a sve u skladu sa članom 72. stav (3) tačka c), te je u skladu sa rang-listom ponuđač „BOSNA-KOM“ d.o.o. Gračanica kao drugoplasirani ponuđač izabran za realizaciju nabavke i potpisivanja Ugovora za LOT-1, nakon odustajanja prvorangiranog ponuđača „LALA I LAĆO“ d.o.o. Bijeljina.

**Pouka o pravnom lijeku:** Protiv ove odluke može se izjaviti žalba Ugovornom organu u roku od 10 ( deset ) dana od dana prijema ove odluke.

Dostaviti:

- Ponuđaču: „BOSNA – KOM“ d.o.o. Gračanica
- Ponuđaču: „LALA I LAĆO“ d.o.o. Bijeljina
- Komisiji za provođenje postupka javne nabavke
- Evidencije
- a/a

  
**Direktor**  
  
**Amila Šećerbegović**





Kozaračka 11 75000 Tuzla , Tel: ++ 387 35 330 322 , fax: ++387 35 273 502 , mail: dom.tz@bih.net.ba

Broj:464-23/25  
Tuzla, 03.06.2025.godine

### **OBAVJEŠTENJE O REZULTATU POSTUPKA NABAVKE**

U skladu sa članom 71. Zakona o javnim nabavkama („Službeni glasnik BiH“, broj: 39/14, 59/22 i 50/24), obavještavamo Vas da je u postupku nabavke hrane i pića LOT – 1 donesena Odluka o izboru drugoplasiranog ponuđača (LOT – 1) broj:464-22/25 od 03.06.2025.godine, kojom je Ugovor o nabavci hrane i pića LOT – 1 za potrebe JU Dom za djecu bez roditeljskog staranja Tuzla dodjeljen drugoplasiranom ponuđaču „BOSNA – KOM“ d.o.o. Gračanica, u ukupnom iznosu od 37.350,00 KM bez PDV-a.

Navedena Odluka je donesena, nakon što prvorangirani ponuđač „LALA i LAĆO“ d.o.o. Bijeljina 26.05.2025.godine dostavio pismeni dokaz akt broj: 305/25 kojim obavještava Ugovorni organ da nije u mogućnosti potpisati Ugovor za LOT-1 Hrana, piće i srodni proizvodi za koji su izabrani kao najpovoljniji ponuđač.

Donošenjem Odluke broj: 464-22/25 od 03.06.2025.godine, stavljena je van snage Odluka o izboru najpovoljnijeg ponuđača (LOT – 1) broj: 464-17/25 od 24.04.2025.godine.

Napominjemo da je izabrani ponuđač dužan, u skladu sa tenderskom dokumentacijom, u roku od 5 dana od dana zaprimanja ovog Obavještenja, dostaviti novi Obrazac za cijenu ponude LOT – 1 ANEKS III u kojem će navesti cijene za svaku stavku, nakon provedene E-aukcije

U prilogu obavještenja dostavljamo Vam :

- Odluka o izboru drugoplasiranog ponuđača (LOT – 1) broj: 464-22/25 od 03.06.2025.godine

#### **Dostaviti:**

- Ponuđaču: „BOSNA – KOM“ d.o.o. Gračanica
- Ponuđaču: „LALA I LAĆO“ d.o.o. Bijeljina
- Komisiji za provođenje postupka javne nabavke
- Evidencije
- a/a

Direktor  
Amila Šećerbegović